

3. Օգոստինոս Բազեցի՛ն՝ Հաւատաստիւ ժողովի քարտուղարին

[1637 թուական 28 փետրուար, Վարշաւա]

Անուն Աստուծոյ

Ծշմարիտ ծառա տեառն մերո[յ] Յիսուսի Քրիստոսի եւ հաւատարիմ մշակ ի յայգոջ Տեառն քրթնաջան, զոր Տէրն երկայնակեաց պահեսցէ զքեզ վասն եկեղեցո[յ] իրում սրբո[յ]. ամէն:

Ծանուցումն լիցի քո հրամանուցոյ որ Բ [2] տարի է չեմ կարացել գրել թուխտ քո հրամանուց վասն նեղութեան ժամանակիս եւ չարչարանաց, թէ ինչպէս Օսմանլուն արեկ մեր երկիրն աւերեց, սուր մաշէց եւ գերացուց. կամ թէ ինչպէս դէսպան առաքեց մեզ շահն մօտ Լէհաց թագաւորն: Տէր Մաթատէն երկարութեամբ կու պատմէ ձեզ մի ըստ միոջէ, զոր առաքեցաք նամակով վասն հնազանդութեան սուրբ Աթոռն, որ մեք չկարացաք գալ յանձամբ Սուրբ Հօր ոտն համբուրել եւ մեր պարտքն վճարել, այլ առաքեցայք որպէս մեր որդի մեր պակասութիւնն լնու:

Իմ խնդիրքս այն է որ քո հրամանքդ օգնես եւ առաջնորդես: Թէ պատրի Պօղոս Փրոմալին բանն հարցանես, դու գրեալ էիր թէ այտ տեղ պահէ. մեք ընդունեցինք քո հրամանքդ, այլ ինքն չկամեցաւ կենալ: Ասաց՝ ես կու գնամ ի Հոռոմ քաղաք: Ես ձի տուի, խարջի [փող] տուի՝ թէ գայ: Գնաց մօտ հայի կաթողիկոսն մնաց, այլ չարեկ. քանի անգամ առաքեցի մարդ եւ նամակ կոչել զնա՝ նայ չարեկ: Հիմի համ հայի խոստովանում է եւ հայի հաղորդում՝ մեզ գէշ ասելով⁷: Այլն տեր Մաթատէն ձեզ կու պատմէ: Հիմի հենց գիտեմ, որ մեզ մոտ է: Ես գաիս խիս տաղաչանաց թուխտ գրեցի թէ գնա՛[յ] մեր վանքն: Թէ Ծահկեցի Անդրէասին չարութիւնն հարցանես, պատրի Մաթատէն կարգաւ կու պատմէ քո հրամանուց: Բազում անգամ թուխտ եմ գրել քեզի՝ պատասխան ըսկի չեմ առել: Վասն հեղման արեան տեառն մերոյ Յիսուսի Քրիստոսի թէ ամենն հետի օգնէք կացել մեր աղքատ ե-

⁷ Օգոստինոս Բազեցի ու Պօղոս Փրոմալու սրուած փոխյարաբերութիւնների մասին տե՛ս ծանօթ. 2-ում յղուած գրականութիւնը: